



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus VII. Quæ interdicta sint jure lata?

[urn:nbn:de:hbz:466:1-73064](#)

loco divina celebrare, sic assistere, Sacra-
menta aliqua recipere, vel sepeliri. Infan-
tes autem & amentes, si loquamur de in-
terdicto personali & alii, quā pro effectu
suo habent aliquam prohibitionem, inter-
dicti nequeunt, utpote incapaces; secūs;
quoad Ecclesiasticā sepulturā; id,
quod etiam procedit de jam defunctis; quia
non amplius subsunt potestati Ecclesiae.

2155 His adde, interdictum, quod est cen-
sura, non tolli, nisi absolutione ex n. 1820.
&c. quando autem est pura poena, cessare
elapsō termino præfixi temporis; alias non
tollī, nisi legitimā dispensatione. Si autem
quæras, à quo possit auferri interdictum,
quod indiger auferri ab aliquo? R. I. si la-
tum sit, ut censura, ab homine in aliquem
nominatim, auferri debere à Latore, vel
ejus Superiore aut Successore; ratio est ex
n. 2027. & seq. interdictum autem locale,
& generale personale latum ut censuram,
generaliter à jure, vel ab homine, quatenus
non reservatur, posse tolli ab Ordina-
rio, ex c. *Nuper*, 29. de sent. excom. V.
dicta à n. 1819. de reliquis etiam discurre, ut
ibi; quā tamen intellige de interdictis, quā
sacramentaliter tolli possunt; non vero de
iis, quā secūs, ut sunt localia; locus enim
sacramentaliter absolvī non potest, sicut
nec civitas; ubi tamen nota, hoc interdi-
ctum, quod diximus auferri posse ab Ordina-
rio, non posse auferri à Parocho, vel
Confessario ordinario juxta Hurtado de in-
terdict. diffic. 16. (nisi sit solum particolare
personale) quia interdictum personale par-
ticulare adjunctum generali locali non im-
pedit absolutionem à peccatis, ex c. *Alma
Mater*.

2156 Interdictum, quod est pura poena, sive
à jure, sive ab homine, generaliter latum
auferri non potest, nisi à potente dispen-
sare in eo jure, quando latum est à jure; &
à Papa, quando latum est ab homine, seu
judice; Judex enim inferior dispensare non
potest in ulla poena juris; nec in alia pura
poena lata per sententiam etiam ab ipso;
nam hæc potestas non est in ipso, etiam
respectu poenæ à se late; nec ei concedi-
tur ex eo, quod non reservetur, nisi ad ab-
solutionem, quā debetur bene disposito;
sic Hurtado cit.

2157 Not. 2. solum interdictum generale au-
ferri non posse ad cautelam, ex c. *præsentis*,
10. de sent. excom. in 6. ibi: præsentigene-
rali declaramus edicto, *beneficium relaxa-*

*tionis ad cautelam, quoad interdicti sen-
tentias in civitates, castra, vel quilibet alia
loca, sive terras alias generaliter promul-
gatas, locum aliquatenus non habere: potest
tamen etiam hoc tolli ad tempus ab eo, qui
potest totaliter auferre; aut etiam suspen-
di, suspendendo scilicet causam, seu sen-
tentiam.*

ARTICULUS. VII.

Quā interdicta sint jure lata?

R Esp. ipso facto interdicuntur primò 2158
Universitates, seu Collegia, quā
locum habitationis concedunt alienigenis
usurariis, per c. 1. de usur. in 6. secundò si
concedant repressalia, seu pignoraciones,
quibus unus pro alio gravatur contra per-
sonas Ecclesiasticas, vel eorum bona, ni-
si revocaverint intra mensē c. *unico*, de
injuriis in 6. tertio Universitates, & Capi-
tula, quā à sententia Papæ appellant ad
Concilium generale, ex Bulla Coenæ;
quartò Universitates, quā sine licentia Pa-
pa tributum exigunt ab Ecclesiasticis, c.
quanguam, 4. decensib. in 6. ibi: *cum iugur
Ecclesia, Ecclesiastica que persona, ac res ipsa-
rum, non solum jure humano, quin imo &
divino, à secularium personarum exactioni-
bus sint immunes*. Qui vero contra fecerint,
si personæ fuerint singulares, excommuni-
cationis: si autem Collegium, vel Univer-
sitas civitatis, castrī, seu loci alterius cuiuscun-
que, *ipsa civitas, castrum, vel locus
interdicti sententias ipso facto incurraat*: nec
ab excommunicatione hujusmodi absolu-
tionem, vel interdicti relaxationem obti-
neant, donec exacta plenariè restituerint,
& de transgressione satisfecerint compe-
tenter.

Quinto interdicuntur ipso facto Capi- 2159
tula, quā sede vacante intra annum con-
cedunt dimissorias ad Ordines non arctato
ad id ratione beneficii. Trid. Sciss. 7. de re-
form. c. 10. Sexto, quā, non servatā so-
lemnitate prescriptra præsumunt aliquam
censuram ferre, ex c. 1. de sent. excom. in 6.
Si autem excommunicant sine monito-
ne competenti, solum interdicuntur per
unum mensē ab ingressu Ecclesiae, c. *Sa-
cro*, 48. de sent. excom. & in c. præcit. Se-
ptimò ab ingressu Ecclesiae, donec restitu-
ant, interdicuntur Episcopi & Superioris,
insurpantes sibi bona Ecclesiatarum, aut bene-
ficiorum, c. *præsentis*, 9. de offic. Ordin. in 6.

Ota.

Octavò similiter interdicuntur, donec ei, cuius sententiam violarunt, satisfaciant, omnes etiam exempti, qui scienter celebrant, aut celebrari faciunt divina officia in loco interdicto, aut excommunicatos, vel interdictos non toleratos ad divina officia, Sacra menta, vel Ecclesiastica sepulturam admittunt, c. 8. *Episcoporum*, de privilegiis in 6.

2160 Nonò interdicuntur ab ingressu Ecclesiae, si non restituant intra mensem in duplum Episcopi, qui inter visitandum aliquid eis prohibitum acceperunt ex c. 1. de Censib. in 6. & c. *exigit*, 2. cod. Decimò interdicuntur Laici conferentes Episcopatum, vel Abbatiam, & recipientes ab illis, donec dignitas deseratur, c. *si quis deinceps*, 16. q. 7. Reliqua interdicta localia videri possunt apud Suarez D. 37. quia post extravagante in *ad evitanda scandala*, non obligant ante denuntiationem à Judice factam.

ARTICULUS VIII.

Quid possint Regulares tempore interdicti?

2161 **R**esp. Plura esse privilegia Regularibus concessa, quibus à lege interdicti eximmuntur. Primum habetur in c. *Ut privilegia*, 24. §. *illud etiam*, de Privileg. ubi Bonifacius VIII. primum resert, qua Sedes Apostolica Regularibus indulxit, nimirum, ut his, qui Fraternitatem eorum assumpsint, si forsitan Ecclesiae, ad quas pertinent, à divinis officiis fuerint interdicta, ipsorumque morti contigerit, sepultura Ecclesiastica non negetur, nisi excommunicati, vel nominati fuerint interdicti. Suos quoque Confratres, quos Ecclesiarum Prælati apud Ecclesias suas non permiserint sepeliri, nisi excommunicati, vel interdicti fuerint nominatim, ipsi ad Ecclesias suas deferant tumulandos: & postmodum declarat, qualiter hoc privilegium intelligendum sit, dicens: hoc autem de illis Confratribus intelligimus, vel qui adhuc manentes in saeculo eorum ordini sunt oblati, mutato habitu saeculari, veleis, qui bona sua dederant inter vivos, retento sibi (quam diu in hoc saeculo vixerint) usufructu, qui tamen sepeliantur apud ipsorum regularium, vel aliorum non interdictas Ecclesias, in quibus elegerint sepulturam, ne si de quibuslibet ipsorum fraternitatem assumentibus fuerit intellectum, pro duobus, aut tribus denariis annuatim sibi collatis, dissolvatur pariter, & vilescat Ecclesia.

siaistica disciplina: certam tamen & ipsi remissionem obtineant ab Apostolica subiecte concessam.

Subjungit: illud etiam, quod hujusmodi regularibus est indulsum, ut si qui fratrum suorum, qui ab eis missi fuerint ad recipiendas fraternitates sive collectas in quamlibet civitatem, castellum, vel vicum advenerint, si forte locus ille à divinis officiis sit interdictus, in eorum jucundo adventu semel in anno aperiatur Ecclesiae: ut exclusis excommunicatis, divina ibidem officia celebrentur: sic intelligi volumus, quod in eadem civitate, aut castro, aut villa una tantum Ecclesia ejusdem ordinis fratribus semel (ut dictum est) aperiatur in anno: quia licet pluraliter dictum sit, quod in eorum jucundo adventu Ecclesiae aperiatur, non tamen ad Ecclesias ejusdem loci divisim, sed prædictorum locorum conjunctim sano referendum intellectu: ne si hoc modo singulas ejusdem loci visitarent Ecclesias, nimis vilpendi contingere sententiam interdicti. Qui verò contra declarationes prædictas quicquam sibi usurpare præsumperint, gravis subjaceant ultiō.

Circa hoc privilegium Regularibus concessum not. 1. id etiam per ipsam legem extendi ad Episcopos, ut expresse habetur in c. *Quod nonnullis*, 25. cod. ibi: *quod nonnullis est Religiosis indulsum, in favorem provincialis officiis ad Episcopos exidentes concedimus*, ut cum commune terra interdictum fuerit, excommunicatis, & interdictis exclusis, possint quandoque ianuis clausis, suppressâ voce, & non pullatis campanis divina celebrare officia: *Nisi hoc ipsum eis expresse fuerit interdictum.*

Not. 2. hoc privilegium non esse concessum quibuscumque Regularibus, & lege disponente Episcopis, ut procedat etiam de ipsis, qui causam dederunt interdicto, ut aperte declarat Pontifex in cit. c. *Quod nonnullis*, ibi: *verum hoc illis concedimus*, qui causam aliquam non praestiterint interdicto nec quicquam (doli vel) fraudis ingesserint tale compendium ad iniquum dispensandum pertrahentes. Tales enim sunt personaliter interdicti, licet interdictum eorum causâ latum sit generaliter etiam locale, arg. c. *si sententia*, 16. de sent. excom. in 6. at personaliter interdicti, spectato jure communi, non possunt celebrare, aut interesse divinis per c. fin. §. *ad i* cimus,